

UGOVOR

o poslovnoj saradnji

SINDIKAT SREDNJEG I VISOKOG OBRAZOVANJA,
KANTONALNI ODBOR
KANTONA SARAJEVO
BROJ: 04-01-35/23
Datum: 04.02.2022.god.

Zaključen između ugovornih strana:

1. **ALKIBIA d.o.o. Sarajevo (fonTELe.ba), Kolodvorska 12, 71000 Sarajevo, ID broj: 4201648240007, transakcijski račun broj: 1401061120008736 kod ASA Banka d.d kojeg zastupa: Salko Sejfić (u daljem tekstu Dobavljač) i**
2. **Sindikata srednjeg i visokog obrazovanja, odgoja, nauke i kulture Bosne i Hercegovine – Kantonalni odbor Kantona Sarajevo, ul. Obala Kulina bana 1/5, 71000 Sarajevo, ID:4200168330069, kojeg zastupa Admir Šuvalić (u daljem tekstu: Korisnik usluga)**

I - PREDMET UGOVORA

Član 1

Predmet ovog Ugovora je uređivanje međusobnih odnosa ugovornih strana o poslovnoj saradnji, kupovini proizvoda/asortimana svih vrsta tehnike, telefona i kućanskih aparata u poslovnicaama Dobavljača:

- *fonTELe.ba u Aria mallu – Trg djece Sarajeva 1,*
- *fonTELe.ba Baščaršija – Gazi Husrev-begova 4,*
- *fonTELe.ba u TC Grand Centar na Ilidži – Butmirska cesta 14,*
- *parfumerija Mist u TC Grand Centar na Ilidži – Butmirska cesta 14,*
- *fonTELe.ba u SCC-u (prizemlje i 2. sprat) – Vrbanja 1,*
- *fonTELe.ba Concept Store Kolodvorska 12,*
- *Servis telefona i skutera u Kolodvorska 12.*

Član 2

Dobavljač se obavezuje da će korisniku usluga za njegove članove omogućiti kupovinu proizvoda/asortimana po posebnim povoljnostima.

Stvarni korisnik usluge je član Samostalnog sindikata osnovnog obrazovanja i odgoja FBiH (u daljem tekstu: Sindikat) i članovi njegove uže porodice.

II – NAČIN SARADNJE

Član 3

Korisnik usluga se obavezuje da će Dobavljaču dostaviti spisak članova Sindikata koji imaju pravo koristiti usluge iz Ugovora.

Stvarni korisnik Dobavljaču je dužan predočiti ličnu kartu i člansku karticu Sindikata, kako bi Dobavljač mogao identificirati osobu sa spiska, te na vrijeme i kvalitetno izvršiti svoje obaveze.

Ukoliko pri realizaciji ovog Ugovora dođe do učlanjenja novih članova u Sindikat, a koji se ne budu nalazili na dostavljenom spisku članova iz prethodnog stava ovog člana, Korisnik usluga će prema Dobavljaču izdati izjavu/potvrdu da je ta osoba član Sindikata.

Korisnik usluga se obavezuje da će prema članovima Sindikata vršiti promociju saradnje po osnovu ovog ugovora i promociju proizvoda i usluga, akcija i drugih aktivnosti Dobavljača.

III – CIJENA USLUGE I NAČIN PLAĆANJA

Član 4

Dobavljač će Korisniku usluga dostavljati kataloge i informacije o akcijama, a Stvarni korisnik usluga i Korisnik usluga se o cijenama proizvoda/asortimana mogu redovno informisati putem Internet stranice www.fontele.ba.

Stvarni korisnik usluge putem ovog Ugovora ostvaruje popust u visini od 10% na sve proizvode/asortiman Dobavljača, za jednokratna plaćanja, osim za proizvode/asortiman na akciji, ukoliko je proizvod/asortiman na akciji u kojoj je popust veći od 10%, Stvarni korisnik usluge će ostvariti veći popust.

Stvarni korisnik usluge će plaćanje proizvoda/asortimana i usluga vršiti na način da će proizvod/asortiman s ugovorenim popustom od 10% jednokratno platiti na blagajni Dobavljača nakon izvršene usluge, odnosno preuzimanja proizvoda.

Dobavljač će omogućiti Stvarnom korisniku usluga plaćanje na 12 (dvanaest) rata bez kamata uz administrativnu zabranu kod poslodavca Krajnjeg korisnika.

IV - PRELAZNE ODREDBE

Član 5

Ugovorene strane su saglasne da će se eventualni sporovi nastali u realizaciji ovog Ugovora rješavati mirnim putem – dogovorom, a ako to ne bude moguće nadležan je općinski sud u Sarajevu.

Član 6

Ovaj Ugovor stupa na snagu danom potpisivanja obje ugovorne strane.
Raskid ugovora je moguć na zahtjev jedne ili druge ugovorne strane s otkaznim rokom od 30 dana.

Član 7

Ovaj Ugovor je sačinjen u 2 (dva) istovjetna primjerka, a svaka ugovorna strana zadržava po 1 (jedan) primjerak.

ALKIBIA d.o.o. Sarajevo



Salko Sejić, direktor


U Sarajevu, decembar 2022. godine

Sindikata srednjeg i visokog obrazovanja, kulture i odgoja FBiH
Kantonalni odbor Kantona Sarajevo



Agim Štvalić, predsjednik
